

*Республика Маънавият ва маърифат маркази,
Мудофаа вазирлиги, Ички ишлар вазирлиги,
Фавқулодда вазиятлар вазирлиги, Давлат хавфсизлик
хизмати, Миллий гвардия, Ўзбекистон Ёзувчилар
уюшмаси, Фанлар академияси Тарих институти,
Ўзбекистон композиторлари ва бастакорлари
уюшмасининг 2022 йил 24 октябрдаги Қўшма қарорига
1-илова*

**Ўзбекистон Республикаси Қуролли Кучларининг қўшин
турларидан келиб чиқиб, ҳарбий хизматчилар, ҳаваскор ва
профессионал ижодкорлар ўртасида “Қўшинлар мадҳияси”
танловини ўтказиш тўғрисида
НИЗОМ**

I. Умумий қоидалар:

1.1. Мазкур Низом Ўзбекистон Республикаси Қуролли Кучларининг қўшин турларидан келиб чиқиб, ҳарбий хизматчилар, ҳаваскор ва профессионал ижодкорлар ўртасида **“Қўшинлар мадҳияси”** танлови *(кейинги ўринларда – Танлов деб юритилади)*ни ташкил этиш ва ўтказишни белгилайди.

1.2. Танлов Ўзбекистон Республикаси Қуролли кучлари ҳарбий хизматчиларининг ахлоқий-руҳий тайёргарлиги ва жанговар руҳини ошириш, турли мураккаб ва оғир вазиятларга нисбатан руҳий бардошлилигини, ёт ғояларга қарши мафкуравий иммунитетни мустаҳкамлаш орқали миллий армиямизнинг жанговар шайлиги ва қудратини кучайтириш мақсадида **“Юксак жанговар руҳ – аскарнинг енгилмас кучи, армиянинг қудратидир!”** деган концептуал ғоя асосида ўтказилмоқда.

1.3. Мазкур Низом шартларига кўра танловда ҳарбий хизматчилар, 18 ва ундан юқори ёшдаги ҳаваскор ва профессионал ижодкорлар иштирок этишлари мумкин.

II. Танловнинг мақсади ва вазифалари:

2.1. Танловнинг асосий мақсад ва вазифалари қуйидагилардан иборат:

– ҳарбий хизматчиларда миллий ғурур ва маънавий фазилатларга таянадиган барқарор ахлоқий-руҳий ҳолатни таъминлаш, мураккаб вазиятларга нисбатан бардошлиликни, юксак жанговар руҳни тарбиялаш ҳамда уларда ёт ғояларга қарши мафкуравий иммунитетни мустаҳкамлаш;

– ҳарбий хизматчиларда миллий руҳга асосланган юксак маънавий, ахлоқий-руҳий ва психологик сифатларни, миллий ғурур ва жанговар руҳни янада кучайтириш;

– ҳарбий хизматчиларни Ватанга муҳаббат ва ҳарбий-ватанпарварлик руҳида тарбиялашга, миллий ўзлигимизни англантишга қаратилган, мардлик ва матонатни мадҳ этувчи миллий армиямизга ғурур ҳиссини уйғотувчи ҳарбий хизматнинг нуфузини оширувчи ҳарбий-ватанпарварлик йўналишидаги кўшинлар мадҳиясини яратиш;

– ҳарбий хизматчилар орасида кўшинлар мадҳиясини кенг тарғиб этиш ва оммалаштириш.

III. Танловнинг ташкилий қўмитаси:

3.1. Танловни ташкил этиш ва ўтказиш бўйича республика ташкилий қўмитаси таркиби ҳамкор вазирлик ва идоралар томонидан тасдиқланади;

3.2. Ташкилий қўмита танловни ташкил этиш ва ўтказиш билан боғлиқ жараёнларни бошқаради;

4.3. Республика Маънавият ва маърифат маркази, Мудофаа вазирлиги, Ички ишлар вазирлиги, Фавқулодда вазиятлар вазирлиги, Давлат хавфсизлик хизмати, Миллий гвардия, Ўзбекистон Ёзувчилар уюшмаси, Фанлар академияси Тарих институти, Ўзбекистон композиторлари ва бастакорлари уюшмаси танловнинг ижрочи ташкилотчилари ҳисобланади.

IV. Танловни ташкил этиш ва ўтказиш босқичлари:

4.1. Танлов **2 босқич 10 та йўналишда** (вилоят ва республика) ўтказилади ва ҳар бир босқич учун ҳамкор вазирлик ва идоралар томонидан Ишчи гуруҳ тузилиб, танлов юқори савияда ўтказилади.

Танлов қуйидаги:

“Мотоўқчи кўшинлари” йўналиши;

“Танкчилар кўшинлари” йўналиши;

“Ҳаво-десант кўшинлари” йўналиши;

“Артиллерия кўшинлари” йўналиши;

“Ҳарбий ҳаво кучлари” йўналиши;

“Махсус операция кучлари” йўналиши;

“Разведка кўшинлари” йўналиши;

“Алоқа кўшинлари” йўналиши;

“Қоровул кўшинлари” йўналиши;

“Чегара кўшинлари” йўналишларидан иборат.

Танлов қуйидаги 2 босқичдан иборат:

1-босқич (вилоят) 2022 йилнинг 25 октябридан 15 декабрь санасига қадар ўтказилади. Танловда иштирок этиш истагани билдирган номзодлардан аризалар Республика Маънавият ва маърифат марказининг вилоят бўлимларида тузилган Ишчи гуруҳ томонидан қабул қилинади.

Танловга қабул қилинган мадҳия Ҳакамлар ҳайъати томонидан баҳоланади. Натижаларга кўра ҳар бир йўналишдан фақат 1-ўринни қўлга киритган иштирокчилар республика босқичида иштирок этади.

2-босқич (республика) Танловнинг Республика босқичи 2022 йил 15 декабрдан 2023 йил 10 январга қадар ўтказилади.

Танловнинг вилоят босқичида ғолибликни қўлга киритган иштирокчилар республика босқичида иштирок этади ва баҳолаш натижаларига кўра ҳар бир йўналишдан фақат 1-ўринни қўлга киритган иштирокчилар ғолиб деб топилади.

Танлов ғолиблари 2023 йил **14 январь** – “**Ватан химоячилари куни**” арафасида эълон қилиниб, тантанали тарзда тақдирланади.

V. Иштирокчиларга қўйиладиган талаблар:

5.1. Номзодларга қуйидаги талаблар қўйилади:

Танлов иштирокчисининг ижоди аввал оммага эълон қилинмаган бўлиши;

Мадҳия ижроси 3-4 дақиқа оралиғида бўлиши;

Иштирокчилар мадҳияни жонли (муסיқадан фонограмма орқали фойдаланиш мумкин) ижро этиши;

Мадҳияларни яратишда кўшин туридан келиб чиқиб ёндашиши;

Жанговар рух, тантанавор оҳангни ўзида мужассам этганлиги;

Миллий армиямизга нисбатан ғурур ва ифтихор туйғусини уйғота олиши талаб этилади.

Бир нафар иштирокчи фақат битта йўналишда иштирок этиши мумкин.

VI. Баҳолаш мезонлари

6.1. Танлов қуйидаги шартлар асосида баҳоланади:

Мадҳиянинг Низом талабларига мослиги – **20 балл**;

Мадҳиянинг мазмундорлиги ва таъсирчанлиги – **20 балл**;

Кўшин туридан келиб чиқиб етарли даражада ёритилганлиги – **20 балл**;

Миллий армиямизга нисбатан ғурур ва ифтихор туйғусини уйғота олиши – **20 балл**;

Мадҳияда шеър матни, мазмуни, куй билан ҳамоҳанглиги ҳамда ижро маҳорати – **20 балл**.

Танлов шартлари бўйича энг юқори баҳоланиш – **100 балл**.

VII. Ҳакамлар ҳайъати таркиби:

7.1. Ғолибларни аниқлаш бўйича Ҳакамлар ҳайъати ижодкор зиёлилар ҳамда ҳамкор вазирлик ва идоралар вакилларида тузилади.

VIII. Яқунловчи қоидалар:

8.1. Ҳакамлар ҳайъати ушбу Низомга мувофиқ танловда иштирок этадиган ижодкорларнинг ижод намуналарини холис кўриб чиқилиши учун бевосита масъулдир.